



## **TOSHKENT DAVLAT YURIDIK UNIVERSITETI REKTORINING B U Y R U G ' I**

2020-yil «11» dekabr

08-243-son

### **Ўзбекистон Республикаси Президентининг 2020 йил 3 декабрдаги ПҚ–4910-сон қарори ижросини таъминлаш тўғрисида**

Иқтидорли ёшларни саралаб олиш тизимини ривожлантириш, уларни қўллаб-қувватлаш учун зарур шароитлар яратиш, улғайиб келаётган ёш авлоднинг илм-фанга бўлган интилишларини рағбатлантириш, интеллектуал ва ижодий салоҳиятини рўёбга чиқариш борасидаги ислохотларни тизимли амалга ошириш, шунингдек, академик лицейлар фаолиятини такомиллаштириш мақсадида

### **Б У Ю Р А М А Н:**

1. Ўзбекистон Республикаси Президентининг 2020 йил 3 декабрдаги “Иқтидорли ёшларни саралаб олиш тизими ва академик лицейлар фаолиятини такомиллаштириш чора-тадбирлари тўғрисида”ги ПҚ–4910-сон қарори (кейинги ўринларда қарор деб юритилади) маълумот ва ижро учун қабул қилинсин.

2. Қарорга мувофиқ:

а) ҳузурида академик лицейлар мавжуд бўлган олий таълим муассасалари ректорлари зиммасига:

тегишли академик лицейлар фаолиятини такомиллаштириш учун илғор хорижий мамлакатлар малакали экспертларини жалб қилиш;

академик лицей ўқувчиларининг камида битта хорижий тилни пухта ўзлаштириб чиқиши учун дарс машғулотларига юқори малакали педагоглар жалб қилиниши ва зарурий шароитлар яратилишини таъминлаш;

олий таълим муассасалари проректорларини ўз йўналишлари бўйича академик лицейлар фаолиятига ҳар томонлама ёрдам кўрсатиш ва назорат қилиш учун масъул этиб белгилаш;

олий таълим муассасаларининг профессор-ўқитувчилари, шу жумладан раҳбар ходимлари белгиланган тартибда академик лицейларнинг дарс машғулотларига жалб қилинишини таъминлаш;

академик лицейларнинг таълим инфратузилмаси мунтазам равишда ривожлантириб борилишини ташкил этиш вазифалари юкланганлиги;

б) олий таълим муассасаларининг ўқув ишлари учун масъул проректори бир вақтнинг ўзида академик лицей директори ҳисобланиши, бунда, олий таълим муассасаларининг ўқув ишлари учун масъул проректорларига нормативларга мувофиқ белгиланадиган устамаларга қўшимча равишда олий таълим муассасасининг бюджетдан ташқари маблағлари ҳисобидан базавий лавозим маошига нисбатан ҳар ойлик 20 фоиз устама тўланиши белгилаб қўйилганлиги инобатга олинсин.

3. Молия-иқтисод ишлари бўйича проректор вазифасини бажарувчи А.Иминов бош аудитор М.Турсунов билан биргаликда Тошкент давлат юридик университети ҳузуридаги академик лицейида молиявий аудит ўтказсин ҳамда унинг натижалари юзасидан Тошкент давлат юридик университети ректорига ахборот берсин.

4. Тошкент давлат юридик университети ҳузуридаги академик лицей (И.Рустамбеков) халқаро ҳамкорлик ва узлуксиз таълим бўйича проректор Д.Умаров ҳамда Узлуксиз таълим бошқармаси (Д.Абдуқодиров) билан биргаликда 2021 йилдан бошлаб илғор хорижий мамлакатлар, шу жумладан Финляндиянинг малакали экспертларини жалб қилган ҳолда ҳар йили академик лицей фаолиятини ривожлантиришга қаратилган “Йўл харита”сини ишлаб чиқсин ва тасдиқлашга киритсин.

5. Молия-иқтисод бўлими (А.Рахимов) ушбу қарор қоидаларидан келиб чиқиб, университет штат жадвалига тегишли ўзгартиришлар киритилишини таъминласин.

6. Кадрлар бўлими (А.Матмуротов) тайинловга оид ҳужжатларни тегишли тартибда расмийлаштирсин.

7. Ушбу буйруқнинг бажарилишини назорат қилишни ўз зиммамда қолдираман.

**Ректор**



**Р. Хакимов**